

光緒丁未篤瓚攝令平陰承學使者檄修鄉土志爰延邑人朱優
貢名焯任蒐輯而綴書其端曰鄉土志之作蓋欲周知民隱紀綱
憲政即周官土訓形方之遺意也泰安七屬平最褊小絕長補短
裁五十里耳地境夾河南北南多山石童岡起伏居民雜墾其中
所居之室率壘石爲之北多沙灘河隄卑薄倚民塏爲固每歲伏
秋集民夫防護爲汎地者約四十里而弱縣治當南岸距河三四
里自河身日高瀕河之民爲閘以禦水七八月之間雨集山水內
注者不得出河水外溢者復慮其入常惴惴然以故埒城西北之
地每不得耕種近十數年來海禁大開山東州縣風氣皆大異曩
昔獨平邑瘠苦無殷商遠賈士民樸愿鮮囂陵之習然其敝也見

平陰縣鄉土志

小而畏蕙里中一二桀黠之徒得因事苛斂以自便其私令斯土
者又皆以速代爲幸蓋亦不勝其困矣夫周官爲制治之書而六
職所載凡民間之至纖至蹟無不備具今世公卿大夫身處堂奧
之上矚目抵掌朝建一謀曰某政當興夕發一議曰某法當變傳
符之下急如星火紛逾牛毛究其歸宿通都大邑多不免隔閼難
行違論荒僻哉大易之言曰何以守位曰人何以聚人曰財謹依
所頒條例於政績之後益以職官而略著其祿精之數於戶口之
後益以賦稅而粗志其歲入之經佐治之員鄉里之官能設與否
可考而知也則庶乎談憲政者之一助云爾秋八月旣望濟南府
同知署縣事黃篤瓚謹叙

平陰縣鄉土志目錄

歷史

政績錄

職官

兵事錄

耆舊錄

人類

戶口

賦稅

氏族

宗教

實業

平陰縣鄉土志

地理

山

水

道路

物產

商務

歷史

未置本境以前

平陰在唐虞夏爲兗州地殷屬徐州周屬兗州大清河橫貫境內爲古濟瀆今爲黃河禹貢濟河惟兗州爾雅殷制濟東曰徐州周官職方氏兗州其川河濟知平陰於古屬兗徐

自春秋至戰國皆屬齊有平陰之名而非盡今縣地也秦仍舊名分爲東郡地漢改名盧縣屬泰山郡後漢屬兗州濟北郡晉屬兗州濟北國南宋屬兗州濟北郡北魏屬齊州太原郡北齊省盧入肥城隋開皇十四年置榆山縣在今治西南大業初移今治改名平陰

平陰縣鄉土志

三

既置本境之後

隋屬濟州濟北郡唐屬河南道鄆州東平郡五代因之宋屬京東西路東平郡金屬山東西路東平府元屬中書省山東東平路明屬山東兗州府東平州

國朝初屬兗州府雍正八年改隸東平直隸州十三年改隸泰安

政績錄

興利

宋

龔鼎臣字輔之鄆之須城人爲平陰主簿時濟水溢兩岸胥爲澤國鼎臣白諸令度地鳩工鑿渠洩水晝出沒泥淖夜露宿河干民大感動渠成得良田數百頃次年濟復溢不害田

元

趙時彥冠州人爲平陰縣尹時兵革初定府庫空匱戶口流亡過半時彥下車闢田野勸農桑均賦役片言折獄無不允服居官臨民事無過舉去後民刻石頌之

平陰縣鄉土志

四

明

徐州牧江西豐城人萬歷二十六年權平陰令常控驢適野召父老子弟與溫語見勤農獎以粟布惰者斥不少貸地隙宅畔悉令樹桑多者立獎之三年民大化

國朝

劉代聞湖南衡陽人乾隆十四年以舉人宰平陰時比歲不登民多失業代聞招流亡督耕種相土宜種桑柘及諸果實泣官三月即捐廉修榆山書院時至民舍問所苦有訟輒從阡陌間決之教子弟以孝弟聞者莫不感泣

張樸字小波直隸定州舉人道光二十三年宰是邑時河溢北岸

樸履勘之知黃家圈舊有柳木溝金牛窪亦有金牛河攷其故道並濬之三月工竣河北數十里無水患定書院規則與士子昕夕討論又在城建義塾一區去後常見思

去害

宋

范諷字補之以蔭補將作監主簿出知平陰縣會河決王陵水去田失阡陌民訟不決諷分別疆畔著爲券民持去不復爭時詔塞決河募人入芻槌城邑與農戶等諷曰貧富不同而輕重相若農必大困且詔書使度民力今均取之此有司誤也即改符使富人輸三之二因請下諸州以此爲率朝議報可

平陰縣鄉土志

五

金

劉索字彥高燕城人有番僧詐名貢獻往來侵漁百姓苦之索燭其奸繩以法百姓大悅索爲政嚴吏胥簡訟獄涖任三載流民復業者數千家

國朝

劉昇祚字念恒山西汾陽人崇禎丁丑進士 國初知平陰縣鼎革之交地方殘破昇祚踏荒清地輕徭賦緩刑罰政治一新部署甫定而巨寇周魁軒李西吾等糾匪數千攻城十晝夜不息乃令壯士田玉等夜縋城乞援兵至圍解大吏又命鄰境土寇一任勦撫不兩月皆平以卓異遷兵部主事

陳秉直奉天海州人宰邑四年救敵多方上派戰艦河夫軍需等項累抗不應城垣公署皆割俸興修值河溢出资撫卹災黎詳報大吏蠲免漕租順治十年遷通判去

胡鳴珂湖北天門人乾隆十五年以進士宰是邑時河決牲畜什物漂沒無算鳴珂覓舟數十艘分投各村拔諸難民載餅餽親散災區亟請於大府得急賑數千金全活無算

聽訟

元

董繼昇字鵬飛順德人訟者至假以溫顏必得情而後決莫不稱平小過容恕未嘗笞辱爲政期年幾至無訟

平陰縣鄉土志

六

明

史資教山西蒲州人治先教化臨事裁決如流察微洞隱若家至戶覩人吏畏之不敢欺

唐虞讓廣西人崇禎十年宰平陰政尙和平敏於聽訟先至者隨事決遣之以其辭質後至者莫或狡飾故事日簡而民不擾御胥役至嚴騷擾者論如法然籌其生計必均必一故胥役亦無怨者茹時芳河南滎池人繼唐虞讓爲令有兄弟爭田者時芳親勘其田忽自掩泣訟者驚問曰吾兄弟日相依及來平陰吾兄已不及見今見汝兄弟偶思吾兄故悲耳訟者感泣以田互讓乃中分之旋擢河工同知去

黃承道江西安義人稷躬清介不爲苛峻日坐堂皇每決事必親書判語令兩造各讀一過不識字者使吏朗誦之皆翕服凡訟牒不輕准准必訊訊必結獄情旣得輒予決遣省株累涖平十餘年士民安之

職官

知縣一員額定俸銀二十九兩二錢五分九釐除扣二成并減平外現在均奉文扣解

額定養廉銀一千兩除停給一成核減二成并減平外每年實支銀六百七十六兩八錢署事減半

平陰縣鄉土志

七

額定公費銀一百四十四兩除核扣二成并減平外每年實支銀一百零八兩二錢八分八釐

教職二員每年應支俸銀八十兩除扣二成并減平外每年實支銀六十兩一錢六分現裁復諭尙未離任

典史一員每年應支俸銀三十一兩五錢二分除扣二成并減平外每年實支銀二十三兩七錢三釐養廉銀八十兩除扣二成并減平外實支銀六十兩一錢六分署事減半

把總一員每年支領銀六十七兩八錢壹分兵一名

局委副巡官一員定薪水每月二十四兩無的欸隨時籌給

兵事錄

順治三年冬劉昇祚爲平陰令東阿賊周魁軒肥城賊李西吾糾衆屯孔村謀攻城有牛寵者告警昇祚簡丁壯備戎器俄賊至圍城三周昇祚命王朝屏傅三捷等分門守禦遣田玉赴省求救賊攻益急朝屏率壯士力戰却之三日大兵集賊驚散李西吾返陶山朝屏設伏於隘擒之魁軒走死餘黨悉平

咸豐十一年正月捻賊竄東平梁山知縣高潛練鄉團赴安山防堵二月賊偵運河水淺夜北渡擾縣境至孝直孔村潛集團勇數千守城賊大股竄甯陽曲阜泗水諸縣逼城下者數百騎沖突數次發巨礮轟之賊知有備遂引去

平陰縣鄉土志

八

光緒二十五年在平拳匪數百人渡河至肥城燒孝里舖教堂十月至下井子殺英國教士卜克斯遂西掠安城距城西山頭莊附者日衆夜攻白雲峪教堂不克時巡撫命新建陸軍三營馳至平陰賊大驚引去次年六月京津拳匪肆行陸軍皆赴德州坊堵在平匪又起擁邢兆福邢兆錄爲首渡河至城掠南關教堂燒丁家山頭教堂南至孔村奪大礮三攻羅圈套山寨未克教民自後擊之衆潰省垣聞警委陳毓崧署平陰令帶兵勦辦夜至在平捕邢兆福等誅十餘人事乃平

耆舊錄

實行

金

王去非字廣道應舉不第躬耕自給家居教授束脩悉以分人弟子班忱貧不能謀朝夕一女及笄去非出資嫁之北鄰有喪忌東去西與北皆人居南則去非宅爲壞蠶室使出黨懷英謂其學比韓歐門人謚曰醇德先生 從弟去執字明道舉進士不第閉戶研經文學與兄齊名以親病習醫尤精世宗特試醫第一入翰林號榆山先生

元

平陰縣鄉土志

九

龔秀字德茂治家節儉財雄鄉里與人交誠實無佞岸負貸者百餘家計錢十數萬緡盡焚其券以子履簡貴贈平陰縣子

明

王福延字孝先不慕榮利善事二親親病戚形於色頃刻不忍離母先死哀毀逾禮累日勺飲不入既葬晝則事父夜則宿母墓側父歿痛如喪母廬墓終老里無少長皆重之有鬪者不詣官而詣廬福延爲哀析勉以禮讓莫不感服歲凶羣盜誤入林中驚曰此王孝子廬墓處也相與引去卒後縣尹以狀聞詔旌之顏其坊曰孝子閭

劉明字晦夫質直平恕家積厚貲借人無難色不能償者焚其券

武宗時流賊剽劫勢將及里民謀避去明召村衆諭以居守出粟賑給人心始定村亦無恙年百有二歲縣尹表其門曰百二仙翁趙方曦性好施每貸人錢粟背負者輒不問萬歷乙卯歲大饑輸粟百石賑之崇禎庚辰辛巳復饑輸錢百緡且養饑民十餘人至數月邑令屢給匾獎之

張子帶字存菴例貢生濟南府訓導施義船於湖溪渡置地一頃爲船戶工食捐紫蓋山孔子廟祭田至今存

國朝

孫振圖字龍友號象明明末歲薦饑哀族人貧者六十人月給一金凡四月又出粟五百石輸官賑一邑其後又饑以母命輸粟百

平陰縣鄉土志

十

石且煮粥哺無告者總里萬承恩負闔戶租代輸百金以釋之庫吏許承宗坐匿庫銀將重辟爲白其冤而免之兩家長跪挾重資以謝振圖卻之無德色父侍御玠嘗指宅爲義塾振圖繼之葺宇擇師四十年不倦捐負郭田一頃入學宮以子光祀貴贈光祿大夫

常存孝六歲值父母疾輒泣不食頃刻不離左右十歲母沒送葬不歸父攜之回猶乘隙竊往哭墓事繼母如所生凡父母所愛器物俱誌之父母沒置器別所三年不忍用每舉一事必告墓然後行終身以之

朱鼎熙廩生兄鼎延任京職弟鼎鼐以貢謁選鼎熙奉母家居曲

盡孝道母有疾衣不解帶者數月性好施借貸者量予之不索償
曰彼有餘必自還與其索而不還何如母索之猶得全交乎其寬
厚類此

廉明遠字視惟生而孝友性渾厚與人無爭片紙不入公門無事
不殺性不好言人過有求必與無難色爲族人貧者置膏田四十
餘畝供讀書費老幼無歸者收養之其好施至老不倦以子士霖
官贈武德騎尉

王彭年字昌齡性孝友居親喪未嘗見齒鄰有劉垣廉正士也貧
不自給月餽以粟始終不渝鄉鄰困乏多所周濟生平無疾言而
治家嚴肅奴僕不至內庭

平陰縣鄉土志

江爾莊寬仁好施每秋收遺秉滯穗爭掠取之爾莊戒工人毋出
惡言里少畜牧因買一驢繫宅外諭里人自牽用之曰飼時送歸
毋問也不堪用再易之如是者數十年他義舉類是

趙毓相字仔弼咸豐五年河流泛溢與兄毓桂冒雨率船赴河北
濟難民置山上親爲供給歲薦饑赴鐵門關買紅糧三百餘石分
潤災區存活數百家捻匪北擾鄉里逃難者輒資給之人頌至今
尹鑑字清遠少孤事兄如父兄鏡持家嚴或以厲聲相加和顏聽
受終身無間鏡歿後鑑亦老不能理家政乃取家產使己子與兄
三子均分之人稱其讓

林興農家子也家貧其父跛一足偶赴城及暮未返天驟雨時興

年十四持其父衣往迎跟踰而奔遇父於山之西崖扶持以歸父歿母老而病嗽興早起採樵鬻諸市易米市炊餅以供母子女嘍饑於側不顧也孝出至性未易得諸農家云

著述

李之紹著果齋集

劉增光著星歷攷 歲差攷

何海晏著敬菴文集

趙岱著禮經集解 二戴神治

孫夢麟著四書說約 五經說約

張鯉著西臺奏議

平陰縣鄉土志

十二

張宗旭著古歡堂類疏

朱鼎延著蘧未菴集 知年集

趙貫台著四勿齋詩集 古今事物連類

孫光祀著膽餘軒文集並詩集 子叔諧著峻玉藏集 叔詒著

甘園集 叔諫著白雲樓詩稿

畢漣著怡亭文集 弟瀟著敬亭文稿

張廣堡著方輿覽勝備攷

熊衍文著餉貧錄 正史腴 弟衍學著三辰儀說 訓家邇言

算法利用

朱學閩著識字蒙求

名臣循吏

明

劉澤永樂中任真定知府鯁直有清操朝貴贈以詩曰腰間只有銅廂帶廚下惟餘菜作羹一時傳爲美談祀真定名宦祠

梁成字公濟嘉靖辛丑進士授行人擢兵部主事累遷職方司郎中時嚴氏柄國苞苴公行成廉介執法不通請謁遷饒州兵備道逾歲挂冠歸

何海晏字治象嘉靖甲辰進士授四川順慶府推官擊斷無所避課最擢禮部主事遷太僕寺少卿河南左參政所至有聲

孫琬字玉耳號湛明萬歷庚辰進士授浙江錢塘令有惠政徵拜

平陰縣鄉土志

十三

江西道監察御史彈劾不避權貴出按陝西值甯夏之變殫心籌畫竟殲巨寇再按順天秉公執法貴戚斂手與權相忤出爲山西左參議分守河東時礦使初出勢張甚琬防禦禁戢民賴以安璫不敢肆

張鯉字禹門萬歷庚戌進士授河南封邱令調祥符徵拜江西道監察御史正色立朝直聲動中外以劾璫削籍歸崇禎二年復官晉太僕寺少卿未赴卒

國朝

朱鼎延字嵩若由進士禮部主事擢員外郎改授雲南道御史歷官至工部尙書時定鼎之初滿漢畛域未化鼎延力陳其弊請破

除界限其他民生國計亦多所匡正事詳國史本傳

孫光祀字溯玉號忤庭順治乙未進士選庶吉士遷禮科給事中官至兵部右侍郎光祀爲言官前後五十餘疏皆國家大計其要者則首發吳三桂逆謀斬其子以絕內應詳國史本傳

畢瀟字清源生而穎異康熙壬辰進士授內閣中書遷左中允監督賑務往來南直閒殫心竭力窮民感頌巡視河工上自武清三河下至天津三角淀積勞病作致仕歸

朱作元字方涵號平邨以進士授祁門知縣祁民以竹木爲業因災至貧賦稅多缺又舊無冊籍胥役因緣爲奸時奉檄清理積逋鄰縣嚴刑催比民不堪其累作元親歷山谷宛轉詢問其貧者爲

平陰縣鄉土志

十四

分限輸納有鬻子女者贖歸之民皆感泣

名宦祠

知縣范諷 主簿龔鼎臣 縣尹趙時彥 范仲謙 如縣劉昇

祚

鄉賢祠

處士王去非 翰林王去執 侍講學士李之紹 按察司副使
劉文 眞定府知府劉澤 左參政趙雲翔 參政孫琬 贈太僕寺卿張子冕 任縣知縣趙岱 太僕寺卿張鯉 贈工部尙書朱同芳 贈兵部右侍郎孫振圖 戶部員外郎張梧 兵部右侍郎孫光祀 延川縣知縣張敦素 石阡府知府程際雲

忠義孝弟祠

沁源知縣孫夢麟

庠生趙佩

畢講

增生孫掄

歲貢張宗

啟舉人張中標

庠生孫如楫

庠生程邦彥

人類

平邑自上古爲腹地無回番他種人故不錄

戶口

戶二萬五千四百三十八

口十五萬三千三百七十五 大男五萬一千六百零三口

小男三萬零六百三十六口 大女四萬六千七百七十四口

小女二萬四千三百六十二口

賦稅

額徵錢糧除沙壓災緩外計光緒三十二年分上下兩忙實徵正銀一萬三千四百五十一兩七錢五分一厘耗銀一千八百八十

平陰縣鄉土志

十六

三兩二錢四分五厘每正銀一兩收制錢二千四百文除書役津貼一百二十文實存制錢二千二百八十文每兩應解耗銀一錢四分應交盈餘銀一錢五分其餘雜費不及一錢

額徵漕米除災緩外計光緒三十二年分實徵正米一千一百二十八石四斗四升七合七勺耗米一百六十九石二斗六升七合一勺每年非有大災約以是爲率

市集二十七處經紀三十四名光緒二十八年定每年共完納課程銀二百五十一兩八錢三分按春秋二季勻收解籌款局

氏族

賈 徐州人宋南渡後遷入今三十一世

王 宋末由蒙陰遷入今二十九世

何 元末自甯陽遷入今二十四世

梁 薊州人明初流寓平陰今二十三世

劉 明初遷居平陰至今二十一世

翟 明洪武二年自山西洪洞遷入今十六世

趙 明洪武二年自山西洪洞遷入今十九世

丁 明洪武二年自諸城遷入今二十二世

尹 明洪武二年自山西洪洞遷入今二十一世

平陰縣鄉土志

十七

畢 明洪武二年自山西洪洞遷入今十九世

張 本平陰人元末流寓山西洪武二年復由洪洞遷入今二十

一世

題 元宗室國變後自筮厥姓得題字明中葉流寓平陰今二十
世

張 明中葉自蒙陰遷入今二十一世

孫 明永樂初自武城遷入今十九世

朱 明永樂初自江南宿州遷入今十九世